


海豐吳中丞贈於汲院

宣統庚戌  
二月



歸

雙

西

厚

傷寒補亡論二十卷

宋河南郭

雍撰

儒門事親十五卷

金考城張從正撰

宣統元年冬排印于梁園節署



豫醫雙璧序

治天下之道德禮與政刑而已衛天下之治者此理衛  
一身之生者亦此理自醫學衰謝國中無專門研究之  
途於是歐西之醫學遂起而奪我中醫固有之席天下  
且縻然從之而受害者亦時有聞見大抵剖視之法西  
醫爲確生克之理中醫爲精華人旅美以中法治疫西  
人亦極折服是事相歧理未嘗不相濟也予先後宦豫  
逾二十年視豫猶桑梓前在豫時先得宋河南郭雍著  
傷寒補亡論二十卷爲傳鈔之祕足以補醫聖之未完



嗣又得東洋本金考城張從正儒門事親十五卷是書  
僅知明代曾刻入古今醫統其本久不傳 四庫全書  
係從大學士英廉家藏本錄入亦未言是否卽醫統之  
本劉氏繼莊謂爲醫學中之申韓者二書奇正相生正  
可相需爲用因彙而刻之題以豫醫雙壁庶或聖哲之  
道如德禮申韓之道如政刑審察而用之治術與衛生  
可同斯道也而兩先生之書籍以流傳于五百餘年之  
後詎非後學之幸事歟宣統元年十二月海豐吳重熹  
書

傷寒補亡論序

四書之魯論集五經之大成醫書之傷寒論集內經難經之大成也仲尼出而堯舜禹湯文武周公之道以傳仲景出而黃帝岐伯秦越人之道以著張氏乃醫林中一孔子矣其立論制方如日月之經天江河之行地但代遠年湮書多散佚雖晉有王叔和之編次金有成無己之註釋論者謂偏而不全駁而不純盡失廬山真面惟宋之黃州龐安時撰傷寒總病論九卷實能發仲景未盡之旨而補其未備之方蘇軾黃庭堅張耒諸人皆盛稱之非虛相標榜也有河南郭雍者復就龐氏之本闕者補之晦者明之尋源竟委遠紹旁搜譌次爲二十卷凡風寒暑溼燥火以及婦女嬰兒無不擇之精而語之詳洵龐氏之羽翼仲景之功臣也惜原本缺短十六卷一卷且里居時代書闕考據迹其十七卷辨痊瘥曰政和間先人客京師後歸洛有兄病瘥先兄用龐氏法治之而愈等語確爲宋時洛人可知其書坊間向無印本宣統紀元正月恂卸署原武篆務寶應朱曼伯方伯委監督醫學海豐吳仲澤中丞出其家藏

鈔本一函並加有眉批旁註閱之如獲連城中丞爲海豐累世名家藏書萬卷凡經史子集以及技藝術數無不博覽淹通今撫汴而兼行河日以博濟衆民爲己任命將是書中批註分析段落增加目錄另爲抄寫成帙欲付剞劂以登斯民於壽域抑雖譎陋不敢辭自春徂夏手自校讎五閱月而書就將見是書一出業醫者有準繩延醫者無天札使數百年海內孤本復見於人間於以昌明絕學張氏已缺之秘完而復續皆中丞之所賜也因書其大略以諭來者宣統元年七月寶坻王如恂敬題



傷寒補亡論目錄

卷一

傷寒名例十五問

叙論五問

治法大要九問

傷寒脉法及刺法六問

張仲景華元化五問

卷二

仲景辨脉法三十七問

卷三

仲景平脉法四十五問

卷四

六經統論

太陽經症治上九十五

卷五



太陽經証下九十

卷六

陽明經証八十七

少陽經証治十一

卷七

太陰經証治十

少陰經証治四十七

厥陰証六十二

卷八

不可發汗三十九證

可發汗五十九證

卷九

汗后四十二證

不可吐十一證

可吐十證

卷十



南京中醫藥大學圖書館版權所有

不可下四十七證

可下四十九證

卷十一

發汗吐下後七十二證

卷十二

病可溫十一証

病不可灸八證

病可灸九証

病可刺二十九証

病不可水十一証

病可水八証

病不可火十一証

病可火二証

火邪四証

卷十三

兩感六証論

陰陽交十一証治論

三陽合病十七証

結胸二十三証

心下痞二十五証

卷十四

陽毒五証論

陰毒十二証論

發斑十証論

發黃二十証論

卷十五

瘀血并便血清血十一証

衄血吐血十証

狐惑并慝病十証論

百合病十四証論

傷寒勞復三十一証論

陰陽易六証論

卷十六

缺

卷十七

瘧淫喝叙論一

瘧瘧二十五証論



南京中醫藥大學  
1954  
南京中醫藥大學圖書館版權所有



涇病十八症論

中喝六証論

霍亂二十六証

虛損七証論

卷十八

傷寒溫疫論

溫病六證論

風溫溫毒四証論

傷寒相似諸証上四證問

傷寒相似諸証下十証問

卷十九

婦人傷寒十八証問

娠婦傷寒三十九証論

小兒傷寒二十三証論

小兒瘡疹上四十七証論

卷二十

小兒瘡疹下十八症論



傷寒補亡論卷第一

河南郭雍撰次

傷寒名例十五問

凡有醫皆安時言

問曰傷寒之名何也王叔和撰次仲景之言曰冬時嚴寒萬類深藏君子固密則不傷于寒觸冒之者乃名傷寒耳其傷於四時之氣皆能爲病以傷寒爲毒者以其最成殺厲之氣也

問曰傷寒亦名熱病何也素問三十一篇曰熱病者皆傷寒之類也又曰人之傷寒則爲病熱故素問皆謂之熱病而三十二篇有肝熱病有心熱病肺熱病腎熱病之名及其病症刺法也

問曰傷寒有五何也難經五十八曰傷寒有五有中風有傷寒有濕溫有熱症有溫病是也何以一病而有五名也雍曰其病皆傷於寒其爲病皆熱一也然而五名者因四時之變氣而言也冬有風寒二症故冬爲中風爲傷寒春爲溫病夏爲暑病亦

曰熱病也。秋爲濕溫，此皆重感于四時之氣，故異其名也。總而言之，則皆曰傷寒。曰熱病，故王冰言論其發起皆爲傷寒，致之是也。謂之熱者，其証皆熱是也。

問曰：何以謂之溫病？素問三篇曰：冬傷于寒，春必病溫。故王叔和述仲景之言曰：中而卽病者，名曰傷寒；不卽病者，寒毒藏于肌膚，至春變爲溫病；至夏變爲暑病。暑病者，熱極重于溫也。是故辛苦之人，春夏多溫熱病者，皆因冬時觸寒所致。非時行之氣，素問所謂熱病，謂四時之病，其病皆熱也。後世以暑病爲熱病者，謂夏時之氣熱最重於四時之熱也。

問曰：時行之氣，何如？叔和述仲景之言曰：陰陽大論曰：春氣溫，和夏氣暑熱，秋氣清涼，冬氣冰冽。此則四時正氣之序也。如春時應暖而反大寒，夏時應熱而反大涼，秋時應涼而反大熱，冬時應寒而反大溫，此非其時而有其氣也。人感非時之氣，是以一歲之中，長幼之病多相似者，此則時行之氣也。

問曰：素問言四時之氣更傷五臟，何也？仲景叔和曰：氣候有應至而不至，或有未應

至而至者或有至而太過者皆成病氣亦時行一也。雍曰巢元方病源以傷寒時氣溫病熱病分爲四種傷寒冬也時氣疫也溫病春也熱病夏也雖各具數十候究其証治皆不相遠。

問曰古書言歲之所以皆同病者亦時行乎。雍曰此則上古謂之歲露也時行者失時之和而中病者也何以謂之歲露靈樞七十九曰冬至之日風雨從南方來者爲虛風賊傷人者也其以夜半至者萬民皆臥而弗犯也故其歲民少病其晝至者萬民懈惰而皆中于虛風故萬民皆病此黃帝所謂歲之所以皆同病者人非失時之和而中病也故特謂之歲露。

問曰傷寒之與歲露何如。雍曰歲露者賊風虛邪也因歲露而成傷寒者其病重而多死四時傷寒因寒溫不和而感也其病輕而少死上古之書論歲露自越人仲景之下皆不及之今雖有遇歲露而死者世亦莫之辨皆謂之傷寒時行也。

問曰有以傷寒溫疫不爲異者何如。孫真人曰小品云古人相傳傷寒爲難治之疾。



時氣溫疫是毒氣之病而論治者不判傷寒與時行瘟疫爲異氣耳云傷寒是雅士詞天行溫疫是田舍間號不說病之異同考之衆經其實殊矣所宜不同方說宜辨是以略述其要云

問曰傷寒何以謂之卒病雍曰無是說也仲景叔論曰爲傷寒雜病論合十六卷而標其目者誤書爲卒病后學因之乃謂六七日生死人故謂之卒病此說非也古之傳書怠惰者因于字畫多省偏旁書字或合二字爲一故書雜爲卒或再省爲卒今書卒病則雜病實也

漢劉向校中秘書有趙爲肖以齊爲立之說皆從省文而至於此與雜病之書卒病無以異今存傷寒論上卷雜病亡矣

### 叙論五問

問曰或謂傷寒爲橫病何也孫真人云俗人謂之橫病多不解治皆云日滿自差以此致枉者天下大半凡始覺不佳卽須救療迄至於病愈湯飲競進折其毒勢自然

而差必不可令病氣自在攻人拱手待斃也

問曰凡有疾不時治何如仲景曰凡人有疾不時即治隱忍冀差以成痼疾小兒女子益以滋甚時氣不和便當早言尋其邪由及在腠理以時治之罕有不愈者患人忍之數日乃說邪氣入藏則難可制止此爲家有患備慮之要

外臺作千金論云難可制止雖和緩亦無

能爲也雍疽疔腫尤自爲急此自養之要也

問曰治湯何如仲景曰凡作湯藥不可避暑夜覺病須臾即宜便治不等早晚則易愈矣如或差遲病即傳變雖欲除治必難爲力服藥正如方法縱意違師不須治之問曰服藥節度如何仲景曰凡發汗溫煖湯藥其方雖言日三服若病劇不解當促其間可半日盡三服若與病相阻即便有所覺病重者一日一夜當晬時觀之如服一劑病症猶在當復作本湯治之至有不肯汗出服三劑乃解若汗不出者死症也

後有陳廩丘蒸汗法

問曰服藥四方異宜何如叔和曰地土溫涼高下不同物性剛柔食居亦異是以黃